



Ҳақсевар она юрт, мангу бўл обод!

ТОШКЕНТ ҲАҚИҚАТИ

Вилоят
ижтимоий-сиёсий
газетаси

2021 йил
27 январь
ЧОРШАНБА
№ 7 (13360)

@haqiqatonline

1928 йил 11 декабрда асос солинган

Халқ депутатлари вилоят Кенгашининг сессияси

Нурафшон шаҳрида бўлиб ўтган Халқ депутатлари Тошкент вилояти Кенгашининг навбатдаги сессиясида 7 та масала кўриб чиқилди. Бу ҳақда вилоят ҳокимлиги Ахборот хизмати хабар берди.

Танқидий-тахлилий руҳда ўтган йиғилишда дастлаб вилоят давлат солиқ бошқармаси масъулларининг ўтган йилда амалга оширилган ишлар ва 2021 йилдаги устувор вазифалар юзасидан ҳисоботи тингланди. Хусусан, вилоят давлат солиқ бошқармаси бошлигининг биринчи ўринбосари Акмал Тиллаев ҳисобот-маърузасида 2020 йил учун маҳаллий бюджетга тушумларнинг бажарилиши, бунда туман ва шаҳарлар, соҳа ва тармоқлар тутган салмоғи бўйича ахборот берди.

Шунингдек, сессияда Халқ депутатлари Тошкент вилояти Кенгаши котибияти фаолиятини ташкил этиш тўғрисидаги масала муҳокама қилинди. Давлатимиз раҳбарининг ташаббуси билан жорий этилаётган ва маҳаллий кенгашлар фаолиятини

тубдан яхшилашга қаратилган мазкур янги тизим депутатлар томонидан маъқулланди.

Уз навбатида, кенгаш котибиятини юқори малакали, салоҳиятли кадрлар билан таъминлаш масаласи ҳам сессия давомида муҳокама қилинди. Унга кўра, Сайёра Файзиёва Халқ депутатлари Тошкент вилояти Кенгаши котибияти мудири этиб тайинланди.

Халқ депутатлари Тошкент вилояти Кенгашининг мазкур сессиясида вилоятда давлат тилида иш юритишни самарали ташкил этиш чора-тадбирлари, маҳаллий бюджетнинг 2021 йилда шаклланиши кутилаётган қўшимча манбаларидан фойдаланиш тўғрисидаги масалалар ҳам муҳокама этилиб, тегишли қарорлар қабул қилинди.

Ёшларга оид давлат сиёсати – амалда



Чиноз туманидаги Эшонобод массиви кундан-кунга чирой Чочиб, ободонлашиб бормоқда. Бу ерда "Обод кишлок" дастури доирасида бунёд этилган замонавий таълим муассасалари, спорт мактаблари, маданият уйлари ва хизмат кўрсатиш масканлари яратилган шароит ва қулайликлар катта шаҳарлардагидан асло қолишмайди.



МАКТАБ МАЙДОНИДАН ЖАҲОН АРЕНАЛАРИГА

Жумладан, тумандаги Болалар ва ўсмирлар спорт мактабида ҳозирги кунда 150 нафардан ортиқ ўқил-қизлар муайтай, футбол, гандбол бўйича тўғрақларга фаол қатнашмоқдалар. Тажрибали мураббийлар ёрдамида

мунтазам шуғулланиш яхши натижалар бериб, спорт мактаби тарбияланувчиларининг аксарияти кўпгина мусобақаларда ғолиб ва совриндор бўлишмоқда. Хусусан, Давронбек Абдуллаев бошчилигидаги муайтайчилардан Абдулла

Норматов 63 кг. вазн тоифасида камар соҳиби бўлди. Шунингдек, Чарос Алихонова, Рашид Атласов, Муҳаммад Эшмаматов, Зебо Сотволдиева каби мамлакат чемпионлари ҳам шу даргоҳдан чиққан.

Дарвоқе, мазкур спорт мактаби 2019-2020 йилларда қайтадан реконструкция қилинди.

(Давоми 2-саҳифада) ▶

Янги Ўзбекистон мафкураси

Эзгулик, одамийлик, гуманизм ғоясидир



Ўзбекистон Республикаси Президентининг жорий йил 19 январь куни маънавий ва маърифий ишлар тизимини тубдан тақомиллаштириш, бу борада давлат ва жамоат ташкилотларининг ҳамкорлигини кучайтириш чора-тадбирларига бағишланган кенгайтирилган видеоселектор йиғилишидаги нутқи ва билдирган долзарб фикрлари бугун нафақат соҳа вакиллари, балки кенг жамоатчилик орасида қизғин муҳокама қилинмоқда.

Дарҳақиқат, жаҳон тарихида ҳар бир халқнинг аввало маънавий бирлашуви, миллий ғояси билан юксалганини кўриш мумкин. Бугун янги ҳаёт куриш, ривожланган давлатлар қаторига чиқиш йўлидан бораётган Ўзбекистонда ҳам миллий ғоя масаласи жуда муҳим аҳамиятга эга. ²



Кутлов

Тахририятимизда узоқ йиллар самарали фаолият юритган фахрий журналист Фарида Усмонова табаррук юз ёшни қаршиладилар.

Бир аср ҳикмати

Қарийб, 92 йилдан бери узлуқсиз чоп этиб келинаётган "Тошкент ҳақиқати" газетаси тахририятида хизмат қил-

ган ходимлар орасидан кўплаб етук адиллар, давлат ва жамоат арбоблари, моҳир журналистлар етишиб чиққан. Улардан бири

шу кунларда ўзининг муборак юз ёшини нишонлаётган Фарида Усмоновадир.

(Давоми 4-саҳифада) ▶

Бандлик

ҲАМ ўқитамиз, ҲАМ ишга жойлаймиз

Пискент тумани ҳокимлиги томонидан ижтимоий кўмакка муҳтож ва меҳнат қилиш истагидаги аёллар учун ишлаб чиқариш корхоналарига саёҳат уюштирилди.



Хусусан, "LOTUS TEKSTIL" ўзбек-турк корхонаси ва "AZALEA GARMENT" масъулияти чекланган жамияти шаклидаги трикотаж фабрикасига ташкил этилган саёҳатда 9 та маҳалладан 46 нафар хотин-қиз иштирок этди. Бугунги кунда мазкур корхоналарда 250 нафар хотин-қиз учун бўш иш ўрни мавжуд.

Жамиятлардаги иш жараёнлари, яратилган шароитлар билан яқиндан танишган 10 нафар аёл шу ернинг ўзида ишлаш истагини билдирди ва меҳнат шартномалари тузилди.

Умуман, туманда жорий йилнинг январь ойида ишлаш ниятида бўлган 58 нафар хотин-қизнинг бандлиги таъминланди. Шунингдек, тадбиркорлик билан шуғулланиш истагини билдирган 274 нафар аёлни бизнес курсларда ўқитиш режалаштирилган.

Айни вақтда Савдо-саноат палатаси, Тадбиркорликка кўмаклашувчи маркази, "Тадбиркор аёл" уюшмаси вилоят бўлими ҳамкорлигида 60 нафар аёлнинг махсус курсларда таълим олиши таъминланмоқда.

Ўз мухбиримиз

Яхши хабар

Завод импортга БАРҲАМ БЕРАДИ

Охангарон туманида "РАК-МЕРИТ BLEACHING CLAY" масъулияти чекланган жамияти томонидан янги завод қурилмоқда.

Активлаштирилган оқартирувчи гил ишлаб чиқаришга мўлжалланган мазкур лойиҳанинг умумий қиймати 7,52 миллион долларни ташкил этади.

Мазкур маҳсулот майдаланган бентонит бўлиб, юқори фаол адсорбентга асосан ўсимлик мойлари ва нефть саноатидаги ёғларни рангсизлантиришда фойдаланилади. Яъни, кундалик турмушда ишлатиладиган ўсимлик мойларини истеъмолга яроқли ҳолга келтиришда фойдаланиладиган кукун (порошок) ҳисобланади.



Завод ишга тушгач, йилига 10 минг тонна активлаштирилган гил ишлаб чиқариш қувватига эга бўлади.

Маҳсулотнинг 20 фоизи ички бозорни тўлдиришга етарли бўлиб, 80 фоизини Покистон давлатига экспорт қилиш мўлжалланган. Маҳсулот ишлаб чиқариш учун зарур бўлган хом ашёлар, хусусан, бентонит Навоий вилоятидан, сульфат кислота эса Олмалик шаҳридан (ОКМК) олиб келиниши кўзда тутилган.

Ҳозирга қадар инвесторлар томонидан

жами 5,1 миллион долларлик инвестициялар ўзлаштирилган. Ажратилган ер майдонида қурилиш-монтаж ишлари якунланмоқда. Хитой компанияси томонидан 2,97 миллион долларлик технологик асбоб-ускуналар келтирилган. Мутахассисларнинг таъкидлашича, активлаштирилган гил мамлакатимизга юз фоиз импорт қилинаётган маҳсулотлардан ҳисобланади. Завод ишга тушгач, импортга тўлиқ барҳам берилади.

А. МУСАЕВ,
ЎЗА

Сунги йилларда маънавий ва маърифий ишлар самарадорлигини ошириш, соҳани тубдан ривожлантириш мақсадида Ўзбекистон Республикаси Президентининг 2 та қарори, 1 та фармони ва 1 та фармойиши, шунингдек, Вазирлар Маҳкамасининг 1 та қарори қабул қилинди. Республика Маънавият ва маърифат кенгаши раиси Президент экани белгилаб қўйилди. Кенгашнинг ҳудудий бўлиmlарига масъуллик ҳокимлар зиммасига юклатилди. Бу ўзгариш маънавий-маърифий ишларни

ви кучайиб бораётир. Глобаллашув жараёнлари инсоният учун бөккёс янги имкониятлар билан бирга кўпийлмаган муаммоларни ҳам келтириб чиқараётгани бор гап. Миллий ўзлик ва маънавий қадриятларга қарши таҳдид ва хатарлар ҳамийша ёнимизда. Терроризм, экстремизм, транс-миллий ва кибер-жиноятчилик, одам савдоси, наркотрафик каби таҳдидлар хавфи ошиб бормоқда. Баъзи ҳудудларда атайин беқарорлик юзага келтирилиб, норозилик кайфияти авж олдириляётир. Энг ёмони,

Агар жамият ҳаётининг танаси иқтисодиёт бўлса, унинг жони ва руҳи маънавиятдир. Биз янги Ўзбекистонни барпо этишга қарор қилган эканмиз, иккита мустақкам устунга таянамиз. Биринчиси – бозор тамойилларига асосланган кучли иқтисодиёт. Иккинчиси – аждодларимизнинг бой мероси ва миллий қадриятларига асосланган кучли маънавият.

Шавкат МИРЗИЁЕВ

чаклиги қалбларимизга кўчи, янгича куч, янгича ғайрат, янги-ча илҳом олдик, десак асло му-болага бўлмайдик. Видеоселектор давомийда давлатимиз раҳбари томонидан камчиликлар, олди олинмаган бўшлиқлар вақти келиб, сал-чи натижасини беришини ўз тажрибамда кўп марта гувоҳи бўлганман. Ҳозирги ўта мурак-каб, тез ўзгарувчан, ахборотлар

ота-оналар ва биз, маънавиятчи-ларга катта масъулият юклайди. Президентимиз томонидан берилган тақлифлар, хусусан, ёзувчи ва олимларни маҳалла фуқаролар йиғинларига бирик-тирилиши, кайвони онахонлар ва нуруний отахонларимизнинг ёшларни оталиққа олишлари, таълим муассасаларида тарих фанининг чуқур ўқитилиши, ал-батта, ёшларимизда маънавий таҳдидларга қарши иммунитет ҳосил қилади.

Курувчи иморатни курс, иморат тез орада кўзга кўрина-ди, иқтисодчининг иқтисодий фаолияти тез орада намоён бўлади, шифокор доволаган бемор соғайиши билан қилган иши сезилади. Маънавий ва маърифий ишлар самарадор-лиги, олиб бориляётган тарги-бот тадбирларининг натижаси бугун ёки эртага кўринмаслиги мумкин. Лекин, бу муҳим ва из-чил жараённинг самараси, ал-батта, йиллар ўтиб ўз натижаси-ни беради.

Республика Маънавият ва маърифат Кенгаши йиғилиши-да илгари сурилган янги фикр ва фикрлар, олдимизга қўйилган улугвор мақсадларимиз йўлида йўлчи юлдуз бўлиши шубҳасиз. Шу маънода, Учинчи Ренессанс маънавий-маърифий уйғониш-дан бошланган, десак асло ян-глишмаймиз.

Ирода МУҲАММАДАЗИЗОВА,
Республика "Маънавият ва маърифат" маркази Тошкент вилояти бўлими бош мутахассиси

Тадбиркорлик

ИШБИЛАРМОН ШОИРА ОПА 12 кишининг бандлигини таъминлади



Юқори Чирчиқ туманида ўз тадбиркорлик фаолиятини юритиш билан бирга худуддаги ишсиз фуқаролар бандлигини таъминлаётган ишбилармонлар кўпаймоқда. Жумладан, тумanning "Янгибод" маҳалласида яшовчи Шоира Мирҳошова кичик тикувчилик цехи очган.



– Иш бошлаганимизга 3 йил бўлди, – дейди Шоира опа. – Муъжазгина цехимизда болалар ва катталар учун кийимлар тикиб, ички бозорларга чиқарамиз. Келажакда ишимизни янада кенгайтириб, маҳаллаамиз хотин-қизлари бандлигини таъминлашни мақсад қилганмиз. Ҳозир тикув цехида бир

кунда ўртача 300 та маҳсулот тайёрланади. Шоира опанинг таъкидлашича, у фаолиятини 3 та ишчи билан бошлаган экан, бугун эса цехда 12 нафар хотин-қиз ишламоқда.

Садир ОДИЛОВ
Аброр ЭСОНОВ
олган суратлар

ЯНГИ ЎЗБЕКИСТОН МАФКУРАСИ

ЭЗГУЛИК, ОДАМИЙЛИК, ГУМАНИЗМ ҒОЯСИДИР

давлат сиёсатида янада юксак ўринга кўтарди.

Бирок, миллий ғоянинг моҳиятини тўлиқ англаб етмаган, эски мафқурани тасаввур қилиб, бунга юзаки қарайдиганлар ҳам йўқ эмас. Шу боис, Президентимиз мамлакат мафқурасининг асосий ғоясини таъкидлаб: «Биз яратаятган янги Ўзбекистоннинг мафқураси эзгулик, одаимийлик, гуманизм ғояси бўлади. Биз мафқура деганда, аввало, фикр тарбиясини, миллий ва умуминсоний қадриятлар тарбиясини тушунамиз. Улар халқимизнинг неча минг йиллик ҳаётини тушунча ва қадриятларига асосланган», дея нафақат бугунимиз, балки эртани учун ҳам ниҳоятда аҳамиятли бўлган фикрни илгари сурди.

Зотан, бугун дунёда кескин кураш ва рақобат муҳити ҳукмрон, манфаатлар тўқнашу-

(Давоми. Бошланиши 1-саҳифада)

бундай кайфият турли йўллар билан одамлар, айниқса, ёшлар онгига устмонлик билан синдириляпти.

Бундай таҳликали вазиятда ҳушёр ва огоҳ бўлиб, халқнинг тинчлиги, Ўзбекистон манфаатларини ўйлаб яшаш барча учун бирлашичи, таъбир жоиз бўлса, ҳаёт ва мамот зарурати экани кундек равшандир.

Очиги, ўша кунги видеоселекторда янраган фикрларни тинглаб, нафақат шу соҳа вакили, эл-юрт тақдирига бефарқ бўлмаган фуқаро сифатида Янги Ўзбекистон тафтини, нафасини ич-ичимдан ҳис этдим. Халқсевар миллатимиз, келажимиз бунёдкорлари бўлмиш ёшларимизни бир ғоя асосида бирлашиши зарурлигига, маънавият ва маърифат масалалари миллатнинг миллат эканини экс эттирувчи муҳим омил эканига яна бир бор имон келтирдим. Президентимизнинг қуюн-



тарбиянинг нозик жиҳатларига алоҳида ургу берилди. Хусусан, бугун болаларни боғча, мактаб эмас, балки кўлидаги телефон тарбия қилаётгани, турли таҳдидлар чегарасиз кириб келаятгани, бу бизга огоҳлик кўнгируғи эканини билишимиз зарурлиги, ёшлар тарбиясида жамоатчиликнинг ўрни сусайиб кетаятганилиги, "Бир болага етти кўшини ота-она" мақоли унут бўлаётгани ва бошқа шу каби тарбиянинг нозик масалаларига эътибор қаратилди.

Мен меҳнат фаолиятимни умумтаълим мактабида ўқитувчиликдан бошлаганман. Болалар тарбияси ўта нозик масала эканини, йўл қўйилган

соат сайин алмашаятган бир вақтда маънавий таҳдидларга қарши курашиш, ўқувчиларнинг руҳий олами, онги, тафаккурини бойитиш, уларни турли хил ёт фикрлардан асраш, уларга тўғри йўналиш бериш, маънавий иммунитет шакллантириш бугун ҳар доимидан ҳам кура муҳим аҳамият касб этмоқда. Сир эмаски, интернет тармоқлари ёшларимизнинг, қолаверса биз, катталар ҳаётининг ҳам асосий қисмини эгаллаб олгудир. Ижтимоий тармоқдаги турли хил ҳолис ва ноҳолис янгиликларга, видеолар, ўйинларга нисбатан ёшларимизда маънавий иммунитетни шакллантириш ва ривожлантириш барча фаолларга,

Мулоқот



Олмалиқ шаҳрида маҳалла фуқаролар йиғини раисларининг оила, хотин-қизлар ва ижтимоий-маънавий масалалар бўйича ўринбосарлари учун ўқув-семинар бўлиб ўтди.

"АЁЛЛАР ДАФТАРИ" дан САБОҚЛАР

Семинарда иштирок этган вилоят судлари судьялари "Аёллар дафтари" рўйхатидаги хотин-қизлар муаммоларига ечим топишда амалий ёрдам кўрсатиб, тушунтириш олиб боришди.

Худди шундай семинар Тошкент туманида очик мулоқот шаклида ўтказилиб, хотин-қизларнинг ҳуқуқий масалалар, ҳуқуқий маданият бўйича билимларини оширишга ёрдам кўрсатилаяпти. Туман ҳокимлигида хотин-қизлар ва ёшларнинг муаммоларини ўрганиш ҳамда бартариф этиш борасида "Аёллар дафтари" ва "Ёшлар дафтари"ни тузиш бўйича штаб ташкил этилган.

Тумандаги барча маҳаллаларда "Аёллар дафтари"ни юритиш бўйича тузилган ишчи гуруҳлар томонидан анкета сўровномалари ўтказилиб, аниқланган муаммолар юзасидан алоҳида "Йўл харитаси" ишлаб чиқилди.

Семинарда бюджетдан ташқари Пенсия жамғармаси туман бўлими ходими Р. Тожибоев эҳтиёмжанд оилаларга моддий ёрдам, оналарга фарзанди 2 ва 14 ёшга тўлгунга қадар бериладиган нафақа пулларини олиш тартиблари, ногиронлиги бўлган фуқароларга ажратилган имтиёзлар, уларга тўланадиган нафақалар миқдори тушунтирилди.

Шунингдек, семинарда сўзга чиққанлар хотин-қизлар томонидан содир этиляётган жиноятлар ҳамда ажрим ёқасига келиб қолган оилалардаги муаммолар ва уларнинг ечимлари бўйича фикр билдириб, тақлифларини айтишди.

Бундан ташқари, йиғилишда эр ва хотин мажбуриятлари ҳамда ҳуқуқлари, кайнона-келин, ота-она ва фарзанд, қизларни оилавий ҳаётга тайёрлаш, уларни касбга ўргатиш ва бандлигини таъминлаш, оилада тотувликка биргаликда эришиш учун зарур бўлган муносабатлар борасида тўхталинди.

Аллома АЗИЗОВА
Тошкент ҳақиқати/

МАКТАБ МАЙДОНИДАН ЖАҲОН АРЕНАЛАРИГА

– Илгарилари бу ердаги шароит ачинарли аҳволда эди, – дейди спорт мактаби мутахассиси Шоҳруҳ Эргашев. – Етарли шароит бўлмаганлиги сабабли машғулотлар ўтказишга қийналардик. Бу спортчиларнинг кайфиятига ҳам таъсир қиларди. Бино тў-

(Давоми. Бошланиши 1-саҳифада)



лиқ таъмирланиб, замонавий жиҳозлар билан таъминланган, ёшларимизга кўплайликлар яратилди. Бундай шароитлар уларни халқаро аренаalarda муносиб иштирок этишга руҳлантирмоқда.

Шунингдек, бу ерда ташкил этилган футбол ҳамда гандбол тўғарақлари иштирокчилари ҳам кўплаб совринларни кўлга киритишмоқда.

Спорт мактаби раҳбарияти яна кўплаб маҳаллий йигит-қизларни тўғарақларга қамраб олишни мақсад қилган.

Сухробжон САДИРОВ
Тошкент ҳақиқати/
Мансур ҲИММАТОВ олган суратлар

XXI аср ва дунё



Байден жамоасида Қозоғистонлик аёл Қозоғистоннинг Олма-ота шаҳрида туғилган Асель Робертс АҚШнинг янги Президентини Жозеф Байденнинг протоколи раҳбари вазифасини бажарувчиси этиб тайинланди. Бу ҳақда АҚШ Давлат департаменти сайтыда хабар берилган.

Маълум қилинишича, Асель 1976 йилда Қозоғистонда туғилган. У 1993 йилда Жоржтаун университетининг Эдмунд А. Уолш номидаги дипломатик хизматлар мактабига ўқишга кириб, халқаро ҳуқуқ ва ташкилотлар йўналиши бўйича бакалавр даражасини тугатган.

Сайёҳлик даромади учун "қурбонлик" Туркия ҳукумати Мардин шаҳридаги 240 та бинони бузиб ташлашга қарор қилди.

Бундан кўзланган мақсад – туристлар шаҳарнинг тарихий марказида аутентик манзарани томоша қилишлари учун қулайлик яратиш, деб хабар беради "АТОР" нашри.

Сайёҳликнинг тарихий меъморий ёдгорликлар билан боғлиқ йўналиши шоржий меҳмонлар учун борган сари оммалашмоқда: 2012 йилдан 2019 йилгача шаҳарга келадиган сай-



ёҳлар сони йилгига икки миллиондан беш миллионгача кўпайди. "Шаҳардаги энг ёш бино камийда 400 йиллик тарихга эга. Афсуски, минглаб бетонли курилиш объектлари шаҳарнинг қадимий кўрқига ярашмайди", дейди маҳаллий туризм ассоциацияси раҳбари Узгур Гунгёр.

Ёки эмланасан ёки... Германияда ногиронлар ва қарияларни парваришlash хизмати ходимлари коронавирусга қарши эмланишдан бош тортгани учун ишдан бўшатилади.

Аслида мамлакатда эмлаш ихтиёрий тарзда ўтказилмоқда ва эмланишни истамаганларнинг ишдан бўшатилиши биринчи марта юз бермоқда. "Ушбу қарорни компания раҳбари қа-

Томорқачилик

БИР МАВСУМДА УЧ ҲОСИЛ

Янгийўл тумани "Ниезбоши" маҳалласида истиқомат қилувчи Лола ва Шермухаммад Кўчқоровлар ҳақида гап кетса, ҳамқишлоқлар бу оила, унда ўсиб-ўлғайган 7 нафар фарзанд ҳақида фақат илиқ фикрлар билдиришади.



Деҳқончиликнинг ҳадисини олган оила аъзолари томорқаларида бир қарич ерни ҳам бекор қолдиришмайди. 10 сотихлик иссиқхонага бу мавсум учинчи бор булғор қалампирни экишган.

– Ўтган йили 37 млн. сўм сарфлаб, тенг баробар фойда кўрдик, – дейди Шермухаммад ака. – Булғор қалампирини йиғиб олиш

вақти ёзнинг чилла даврига тўғри келса ҳам, иккинчи ҳосил учун плёнка остида пиез этиштиришни йўлга қўйганмиз. Томорқа иши оиламиз учун асосий машғулот. Биринчидан, ер бўш қолмайди, қолаверса, даромади ҳам чакки эмас.

А. ХУСАНОВА
Мансур ҲИММАТОВ
олган сурат

Исроил "муҳрланди"

Исроилда коронавирус тарқалишининг олдини олиш учун мисли кўрилмаган чора-тадбирлар эълон қилинди. Мамлакатда жорий йилнинг 26 январидан 31 январигача халқаро парвозлар тўлиқ тўхтатилди ва аэропортлар ёпилди. Бу ҳақда "МИР 24" хабар берган.




"Бен-Гурион аэропортини ёпдик. Ҳеч бир мамлакат биз қилмоқчи бўлган ишни қилмаган. Вирус кириб келишининг олдини олиш учун биз мамлакатни муҳрлаб қўямиз", деди мамлакат Бош вазири Биньямин Нетаньяху. Исроилликларнинг аҳоли пунктларини тарқ этиши

ва ёпиқ жойда беш кишидан очик жойда эса ўн кишидан кўп бўлиб йиғилишига йўл қўйилмайди. Яшаш жойидан бир километр узоққа кетиш тақиқланади. Барча кўнгило-чар муассасалар ёпилади, ресторан ва кафеларнинг фақатгина уйга етказиб бериш хизмати ишлайди.



Таъкидланишича, 3 ходим вакцина олишни истамаган, яна 4 ходим берилган муҳлат ичида бир қарорга кела олмаган. Натижада, уларнинг барчаси ишдан бўшатилган.

Интернет хабарлари асосида тайёрланди



Шу муносабат билан бир гуруҳ шоғирлар онахонни йўқлаб, хонадонларига бордик.

Бир аср хизмати

Фарида ая шу ёшларида ҳам хавас қиларли даражада тетиклар. Улар билан суҳбатлашиб, дилнингиз яйрайди.

– 30 йилдан ортқ «Тошкент ҳақиқати» газетаси таҳририятида меҳнат қилиб, мусахҳиҳликдан бош муҳаррир ўринбосари даражасигача бўлган ижодий йўлни босиб ўтдим, – дейди онахон. – Устозларимдан жур-

(Давоми. Бошланиши 1-саҳифада)

бир умр миннатдорман.

Дарҳақиқат, таҳририят Фарида Усмонова учун ҳақиқий маҳорат мактаби бўлди. Журналистика қозонида қайнаган ижодкор кетма-кет «Баҳор маликаси», «Меҳри дарёлар», «Яхшилик умри» рисолалари, «Дил фарёди» романи, «Она изтироблари», «Ҳижрон», «Қиз келин» қиссалари ҳамда «Синов», «Она бағри», «Чолиқуши» драмаларини яратди.

Давлатимиз томонидан устоз

ижодкорнинг ўзбек матбуотини ривожлантиришдаги хизматлари инobatта олиниб «Ўзбекистонда хизмат кўрсатган маданият ходими» унвони ҳамда «Шухрат» медали билан тақдирланди.

Онахон нафақат ижодда, балки оилада ҳам барчамиз учун ибратли ва мазмунли ҳаёт кечирдилар. Ҳозирда беш нафар фарзандлари, 17 нафар набира ва 60 дан зиёд эвараю чеваралар ардоғида умргуза-

ронлик қилмоқдалар.

– Келажагимиз бўлмиш ёш авлод тарбияси шу куннинг энг масъулиятли, долзарб мавзусидир, – дейди суҳбатимиз якунида Фарида Усмонова. – Ахир, юртимизнинг равнақи ва қудрати ўсиб улғаяётган ёшларимизнинг шижоати ва билимига боғлиқ-да.

Узлари таъкидлаганларидек, устоз журналист бир умр шу ақидаларни ардоқлаб, уларга сидқидилган амал қилиб келмоқда. Умр ва ижод йўли касбга хавас, муҳаббат ва садоқатнинг ёрқин тимсолидир.

Мароқли суҳбатдан сўнг онахон: «Қутлуг ўйдан қуруқ кетманлар, сизларга ўзим ёзган китобларимдан олиб қўйганман, албатта, ўқиб чиқинлар», дея китобларидан совға қилдилар.

Кумуш ЭГАМБЕРДИЕВА
Тошкент ҳақиқати/
Аброр ЭСОНОВ
олган суратлар



Сўлатиб қўйдинг мени

Қаср

Битта-битта ғишт қўйиб,
Қаср қурдим ўзимга.
Қурган қасрим чиройли
Қуринади қўзимга.

Шу қасрда яшадим,
Шу қасрда айтдим сўз.
Мени кимдир тушунди,
Кимдир олайтирди кўз.

Тушунганга шеър айтдим,
Тушунмаган терс қарар.
Лекин менинг қарвоним
Манзилга қараб борар.

Бир бутун, бир синиқ
Ғишт деворни ушлайди.
Бутун-синиқ шеърларим
Ўз кўнглимни хушлайди.



Менга минор керакмас,
Шоҳона уйлари ҳам.
Элим тинч ва тўқ бўлиб,
Кўзлари бўлмасин нам.

Битта-битта ғишт қўйиб,
Қаср қурдим ўзимга.
Қурган қасрим чиройли
Қуринади қўзимга.

Ёлғиз дарахт

Ёлғиз дарахт ўсиб-ўсиб
Боғ бўламан деярган.
Бўйи ўсиб кўкка етгач
Тоғ бўламан деярган.

Афсус, бир кун довул туриб
Ағдарибди тағидан.
Лек бир дарахт йиқилмабди
Қўшнисининг боғидан.

Атрофда шамол эсиб
Барғларимни силаса.
Мен касалга чалинмаман,
Соғ бўламан деярган.

Улар бир-бирин суяб
Омон қопти довулдан.
Бу дарахтни ўтин учун
Обкетдилар оевулдан.

Тилларимга сўз бериб,
Қўлларимга соз бериб,
Қуйлатиб қўйдинг мени.

Юрагимнинг аҳдидан,
Эл-юртимнинг мадҳидан
Сўлатиб қўйдинг мени.

Дунёдаги энг улуг
Эллар билан бўйимни
Буйлатиб қўйдинг мени.

Олмону инглиз билан
Ўзбек деган тилимда,
Сўлатиб қўйдинг мени.

Бундан ортиқ бахт борми,
Бундан ортиқ тахт борми?
Ўйлатиб қўйдинг мени.

Абдулла МАЪДИЕВ

СПОРТ янгиликлари

ШОҲРУҲ ГАДОВЕВ ЎЗИМИЗГА ҚАЙТДИ

Футбол бўйича Ўзбекистон терма жамоаси аъзоси, бир неча йилдан бери Озарбайжоннинг «Кешла» жамоасида уйнаётган ярим ҳимоячи Шоҳруҳ Гадовев янги мавсумни олмалиқликлар сафида ўтказиши мумкин.

Футболчи ҳозирда «ОКМК» клуби билан бирга. Агар у мурабийларга маъқул келса, Гадовев янги мавсумни қончилар сафида ўтказди.

Маълумот учун, Шоҳруҳ Гадовев ўзбек футбол мухлисларига «Насаф» ҳамда «Бунёкор» жамоаларидаги ўйинлари орқали танилган.

ОЛИМПИАДА ЯНА ҚОЛДИРИЛАДИМИ?

Токио-2020 Олимпия ўйинларининг Ташкил қўмитаси мусобақалар ўтказиш пайтида коронавирус пандемиясига қарши чоралар билан боғлиқ тадбирларни мувофиқлаштириш учун «Юқумли касалликлар билан курашиш маркази» номли ҳайъат ташкил этиши мумкин.

Мазкур марказ турли вазиятларда уч тоифа – спортчилар, бошқа иштирокчилар ва томошабинлар бўйича коронавирус пандемиясига қарши чораларни белгилашга мўлжалланган.

У марказлашган тарзда зарур чора-тадбирларни ишлаб чиқиш, шу жумладан, спортчиларда аниқланган юқумли касалликларга шоишлич чоралар қўриш имконини беради.

ЎЗБЕК «ТАЙСОНИ»НИНГ СИРЛИ РАҚИБИ

Боксчимиз Бектемир Мелиқўзиёв 13 февраль кuni «Golden Boy» томонидан ташкил этиладиган шоуа рингда кўтарилди.

Аммо, бўлажак рақиб ҳақида ҳозирча расмий маълумот эълон қилинмаган.

Эслатиб ўтамиз, аслида Бектемир 30 январь кuni Сергей Ковалёвга қарши жанг қилиши лозим эди. Бироқ, тиббий текширувда россиялик боксчининг танасидан тақилланган жонда топилгани сабаб, мажбур қилинди.

Интернет хабарлари асосида тайёрланди

Эълонлар

Тошкент вилояти Тошкент тумани ДХМ томонидан рўйхатдан ўтказилган «YOG'DU-NUR-SERVIS-AVTO» МЧЖ (СТИР: 307734164)га «YOG'DU-NUR-SERVIS» МЧЖнинг 2021 йил 25 январдаги 1-сонли қўшма мажлис баённомасига асосан бирлаштирилиши маълум қилмази ҳамда «YOG'DU-NUR-SERVIS» МЧЖнинг барча ҳуқуқ ва мажбуриятлари юзасидан «YOG'DU-NUR-SERVIS-AVTO» МЧЖ жавоб беради ва ҳуқуқий вориси ҳисобланади.

Бекобод туманидаги 45-умумий ўрта таълим мактаби томонидан 2004 йилда Раҳманкулова (Джанжакова) Покиза Абдухалиловна номига берилган У № 1036705 (қайд рақами – 86) рақамли шаходатнома йўқолганлиги сабабли

БЕКОР ҚИЛИНАДИ.

Тошкент вилояти ҳокимлигининг Йўловчи транспортининг барча турлари ҳаракатини лицензиялаш ва мувофиқлаштириш департаменти томонидан 2013 йил 6 сентябрда Мирзақулов Иманали Яхшибаевич номига берилган шахар йўловчилар транспортда бепул юриш ҳуқуқини берувчи О'ЗР серияли 120922 рақамли гувоҳнома йўқолганлиги сабабли

БЕКОР ҚИЛИНАДИ.

Оққўрғонда ЯНГИ МАЖМУА

Оққўрғон тумани ҳокими Ф. Омонов тегишли мутасадди ташкилот раҳбарлари билан Тарих ва ўлкашунослик музейи мажмуасига борди.

Мазкур мажмуа 100 ўринга мўлжалланган кутубхона, ФХДЭнинг янги биноси, «Хотира майдони», кўргазмалар зали, автотураргоҳ, «Мангулик кўргони»ни ўз ичига олган. Туман ҳокими якунига етаётган қурилиш ишлари билан танишиб, мутасаддиларга режали, аниқ кўрсатмалар берди.

ФИКРЛАР ПАРВОЗИ

Ўзбекистон Бадий академиясида «Академия» галереяси ўз ишини бошлади. Галереядаги ilk тадбир академикларнинг «Фикрлар парвози» номли ҳисобот кўргазмаси бўлди.

Кўргазма

Мустақиллигимизнинг 30 йиллиги ҳамда Бадий академия ташкил этилганининг 24 йиллигига бағишланган мазкур кўргазмада намоиш этилаётган асарлар мамлакатимиз тасвирий санъатининг олтин мероси ҳисобланади.

Экспозициядан ўрин олган ижодий ишлар эркин маънавият бўлиб, барчаси сўнгги йилларда яратилган. Хусусан, бу ерда реалистик портретлар, натюрморт, манзаралар билан бир қаторда рамзий ва маъвум (абстракт) тасвирлар, шеърлий талқинлар ҳамда ҳайкалтарошлик инсталляцияларини кўриш мумкин.

Академикларимиз ижоди тасвирий санъатнинг турли жанрларида бўлиб, ранг-баранглиги билан акралиб туради. Рангтасвир, графика, миниатюра, ҳайкалтарошлик, фото ва амалий безак санъатининг усталари ўз асарлари орқали асл санъатдан баҳраманд бўлиш ҳамда устозлардан сабоқ олишдек ноёб имконият яратиб, томошабинларни мамнун этмоқда.

Шунингдек, кўргазмада амалий безак усталарининг бинолар дизайни, ганч, металл, ёғоч ўймакорлигидан тортиб, анъанавий ва замонавий керамика ҳамда майда пластика қадар турли жанрдаги калейдоскоплари тақдим этилди.

ЎЗА

Бизда атрофга разм солиш

деган нарсга йўқ. Бордию разм солганимизда қандай топқир, донишманд одамлар билан замонавий эканлигимизни билардик. Фахрларандик. Мана, шуларнинг биттаси Раҳмонназар. Уни биз ҳайдовчи деб юрверган эканмиз. Калласига шундай бебаҳо фикрларни жамлаган эканки, уларни эшитиб туриб бутун қишлоқ ёқасини ушлади.

Воқеа оддий нарсадан бошланди. Матвали ака почтачи билан айтишиб қолди. Одатдаги ҳол: кимнидир нафақасини вақтида олиб келмаган ёки беш-ўн сўм «қижим»га ушлаб қолган – жанжал чиқади-да. Аммо, бу галги жанжал юқори савияда, кўтаринки руҳда ўтди.

Қаранг, Матвали акага ўн минг сўм, хотинига эса ўн икки минг сўм нафақа тайинланди! Қани бу ерда адолат? Матвали ака ҳам туғилганидан буён пахтанинг ичиди, хотини ҳам. Қайтанга, хотинидан кўп ишлаган бўлса ишлаганки, кам ишлаганга.

– Заҳарли моддалар билан ёки ноқулай об-ҳаво шароитида ишлаганларга давлат «вредность», яъни қўшимча пул беради. Опамларга ана шунақа пул қўшиб беришган, – деди у кўрсаткич бармоғини юқорига кўтариб.

– Ҳов, сен, қаллангни ишла! Заҳар сепилган ўша пахтанинг ичиди менам ишлаганман. Ўша «вредносингни» олишга мениям

Одам тўпланди: сабзисига сув қўяётган Саримсоққўзи чиқди, кетмонининг лойи билан. Унинг ортидан аччиққина шолғом шўрвани терлаб ичиб, эндигина ёнбошламоқчи бўлиб турган Соли қасосб, сигирининг канасини тараётган Тошпўлат тоға... Улар сафига ҳатто бо-

лан яшаб, оғзингиздан чиққан арақнинг сассиқ ҳўдига мардона чидаб келгани учун қўшимча пул берилган!

Бу гапдан кейин Саримсоқ кетмонининг орқасини зарда билан ерга урди. Султон қасосб қойил қолганлигини бошини чайқаб, «Ҳайт!» дейиш билан ифода этди. Урайим-тезоп трактори томон юраркан, Раҳмонназарнинг бошига имлаб, «Маладес, мана буни калла дейдилар. Болпадинг!» деди. Бунақа топқирлик ҳамманинг ҳам қўлидан келавермайди-да.

Хуллас, Раҳмонназарнинг гапига ҳамма қойил қолди. Ҳатто, Матвали ака хотини олдида тан бериб, баралла хитоб қилди:

– Ичма, ичма, деяверардинг!.. Мана, арақнинг ҳам фойдаси тегиб қоларкану!

Саид АНВАР

ТОШКЕНТ ҲАҚИҚАТИ
ТАШКЕНТСКАЯ ПРАВДА

Муассис:
**ТОШКЕНТ ВИЛОЯТИ
ҲОКИМЛИГИ**

Бош муҳаррир
**Ғайрат
ШЕРАЛИЕВ**

Тошкент вилояти Ахборот ва оммавий коммуникациялар бошқармасида 2011 йил 12 январда 03-001 рақами билан рўйхатга олинган. Нашр кўрсаткичи – 205. Буюртма Г-135. 5 011 нусхада чоп этилди. Ҳажми – 2 табоқ. Офсет усулида босилди. Қоғоз бичими А–2. Баҳоси келишилган нархда.

Телефонлар:
Қабулхона: (71) 233-64-95
Бош муҳаррир ўринбосари: (71) 233-70-10
Масъул котиб: (71) 233-90-82
Бўлим муҳаррирлари: (71) 233-38-23, (71) 233-48-08
Эълонлар ва ҳисоб-китоб бўлими: (71) 233-54-10

Газета «Тошкент ҳақиқати» таҳририяти компьютер марказида терилди ва Тоҳир Маҳмудхўжаев томонидан саҳифаланди. «ШАРҚ» наشريёт-матбаа акциядорлик компанияси босмаҳонасида босилди. Корхона манзили: Тошкент шаҳри, Буюк Турон кўчаси, 41-уй.
Электрон почта: toshkenthqiqat@gmail.uz

Манзилимиз:
111500, Нурафшон шаҳри, Тошкент йўли кўчаси, 90.

Тошкент шаҳридаги офисимиз:
100000, Матбуотчилар кўчаси, 32.

Ҳафтаининг чоршанба ва шанба кунлари чиқади.

Навбатчи муҳаррир
**Кумуш
ЭГАМБЕРДИЕВА**

Назоратчи мусахҳиҳ
**Аллома
АЗИЗОВА**

Навбатчи
**Аброр
ЭСОНОВ**